

- **Fakultet zdravstvenih studija Univerziteta u Sarajevu**, ul Stjepana Tomića 1, koji zastupa dekan, prof. dr. Arzija Pašalić, i
- **Ambulanta za liječenje, zdravstvenu njegu i rehabilitaciju MASTER FIZIKAL**, adresa: Karadorđeva 6a, Istočno Sarajevo zastupan od strane Bojana Pavlovića, zaključili su :

SPORAZUM O SARADNJI

Član 1.

Predmet Sporazuma o saradnji (u daljem tekstu Sporazum) je uspostava i održavanje naučno-istraživačke, obrazovne, stručne i komplementarne saradnje u oblastima djelatnosti potpisnica.

Član 2.

Saradnja između potpisnica Sporazuma u odgovarajućim oblastima odvijaće se u sljedećim oblicima:

- Izvođenje teoretske i praktične nastave za studente Fakulteta zdravstvenih studija
- Suradnja u realizaciji uvjeta neophodnih za sticanje statusa nastavne baze za Fakultet zdravstvenih studija Univerziteta u Sarajevu
- Zajednička stručna, istraživačka i obrazovna djelatnost, koja će se ostvariti realizacijom bilateralnih projekata i programa i u saradnji sa drugim međunarodnim subjektima,
- Razmjena edukatora i stručnih saradnika u skladu sa finansijskim mogućnostima potpisnica,
- Omogućavanje i unapređenje razmjene naučnog, stručnog i obrazovnog kadra i drugih saradnika, u funkciji realizacije istraživačkih projekata, diplomskih, magistarskih ili doktorskih radova,
- Zajednički rad na informisanju i edukaciji javnosti o temama važnim za zdravlje stanovništva
- Zajedničko obilježavanje dogovorenih međunarodno značajnih datuma za zdravlje stanovništva
- Zajednički rad na pripremi tematskih stručnih skupova (radionica, okruglih stolova, simpozija)
- Zajednički rad na pripremi tematskih promotivnih materijala i kampanja
- Uzajamna promocija vlastitih i zajedničkih aktivnosti
- Zajednička priprema i apliciranje na tematske projekte finansirane od strane domaćih i međunarodnih izvora finansiranja
- Ostale komplementarne aktivnosti od zajedničkog interesa.

Član 3.

Potpisnici sarađuju u područjima navedenim u članu 2. koristeći sljedeće aktivnosti:

- razvoj zajedničkih inicijativa,
- razmjena stručnog i obrazovnog kadra i drugih saradnika,
- realizacija naučno-nastavnih planova i programa I i II ciklusa studija i kontinuirane edukacije,

- saradnja u oblasti istraživanja i u realizaciji međunarodnih projekata,
- razmjena stručnih i naučnih iskustava i dostignuća,
- organizacija stručno-edukativnih seminara i radionica,
- razmjena stručne literature,
- zajedničko korištenje raspoložive opreme i prostora za realizaciju naučno-nastavnih programa i studija, posebno praktične nastave.

Član 4.

Realizacija pojedinačnih oblika saradnje strana potpisnica, koji su navedeni u članu 2. Sporazuma može se detaljnije utvrđivati posebnim Ugovorom.

U cilju provedbe pojedinih oblika saradnje, svaka od strana potpisnica će imenovati osobu nadležnu za koordinaciju potrebnih aktivnosti.

Član 5.

Svaka potpisnica Sporazuma će obezbijediti vlastite izvore finansiranja za realizaciju konkretnih oblika saradnje. Ovaj Sporazum uključuje i mogućnost finansiranja iz alternativnih izvora, obezbjeđenih aktivnošću od strane jednog ili oba potpisnika.

Član 6.

Otkazivanje Sporazuma može zahtijevati bilo koja strana potpisnica. Zahtjev za raskidom se podnosi najmanje šest mjeseci unaprijed.

Član 7.

Sporazum se sačinjava u četiri (4) istovjetna primjerka od kojih svaka sporazumna strana zadržava dva (2) primjerka.

Član 8.

Sporazum stupa na snagu danom potpisivanja.

**Fakultet zdravstvenih studija
Univerziteta u Sarajevu**

Prof. dr. Arzija Pašalić
Dekan



Broj: 02-1-324/21
Datum: 17.02.2021.

**Ambulanta za liječenje, zdravstvenu njegu
i rehabilitaciju MASTER FIZIKAL**

Bojan Pavlović
Direktor



Broj: _____
Datum: 17.02.2021.